

# SCRIPTA

**Numéro Scripta :** 7935

**Auteur(s) :** Guy, Chartres, Saint-Père (abbé)

**Bénéficiaire(s) :** Soligny-la-Trappe, Notre-Dame de La Trappe (abbaye)

**Genre d'acte :** charte

**Authenticité :** non suspect

**Datation :** 1218, août

**Action juridique :** règlement conflit

**Langue du texte :** latin

## Analyse

L'abbaye de Saint-Père de Chartres et l'abbaye de la Trappe règlent, par un commun accord, certaines difficultés qui s'étaient élevées entre elles au sujet des dîmes d'une terre sise près de la forêt de Moulins.

## Tableau de la tradition

### Éditions principales

- a. Charencey Hyacinthe (Comte de), *Cartulaire de l'Abbaye de Notre-Dame de la Trappe*, publié d'après le manuscrit de la Bibliothèque Nationale, Alençon, Renaut de Broise (Société historique et archéologique de l'Orne), 1889, I. « Carte de Nocumento », n° XX, p. 236-237.

Texte établi d'après a

Ego, Guido, divina miseratione Sancti Petri carnotensis abbas, totusque ejusdem loci conventus, notum facimus universis, presentibus pariter et futuris, quod, cum quedam contentio esset inter nos, ex una parte, et abbatem et monachos de Trappa ex altera, super decimis quarumdam terrarum que Cocheta foreste de Molins vocantur, quas idem monachi de Trappa ex dono comitis perticensis possidebant, sopita est ipsa contentio in hunc modum, quod de omnibus terris prefatis quas idem monachi de Trappa tradiderunt vel tradituri sunt aliis excolendas, medietatem decime percipiemus, etiam si ad propriam ipsorum culturam terre ille redierint, medietate alia eisdem monachis reservata ; de terris vero quas dicti monachi excoluerint, eis eorum privilegia salva et integra permanebunt, absque prejudicio nove constitutionis que in generali concilio dinoscitur promulgata, salvis etiam omnibus rationibus quas nos pro parte nostra et ipsi pro sua poterimus legitime allegare. Si vero prefati monachi de Trappa ibidem ecclesiam construxerint, jus patronatus illius ecclesie, quod ad eos ratione fondi et prestatione soli dinoscitur pertinere, eis salvum et integrum, sine reclamatione aliqua, dimittimus. Servientes vero, tam nostri quam sui, per quorum manus decima trahetur, juramento corporaliter prestito firmabunt quod utrique parti jus suum, sine diminutione aliqua, pro posse suo fideliter observabunt. Quod ut perpetua gaudeat firmitate nec oblivione deleri valeat in posterum, presenti scripto et sigillorum nostrorum appositione fecimus confirmari. Actum anno gratie M° CC° XVII°, mense augusto.